

**სოციალური კომუნიკაციების მნიშვნელობა
ჯანდაცვის სექტორის ანტიკრიზისული
მართვის სისტემაში**

DOI - 10.36962/ecs105/4-5/2022-239

მირანდა ჯანხოთელი
სტუ დოქტორანტი
mjankhoteli@mail.ru
მარიამ ნიკლაური
სტუ დოქტორანტი,
mariam23tsiklauri@gmail.com

რეზიუმე

თანამედროვე მსოფლიოს განვითარების რთულმა, სწრაფად ცვლებადმა გარემომ ფაქტორებმა და გლობალურმა სოციალურ-ეკონომიკურმა და პოლიტიკურმა კრიზისებმა, მოითხოვა საკომუნიკაციო მედიატექნოლოგიების ფართომასშტაბიანი განვითარება და ჯანდაცვის მმართველობით საქმიანობაში სათანადოდ ინტეგრაცია. როგორც არასდროს, აქტუალური გახდა ჯანდაცვის სექტორში სოციალური მედიისა და ინტერნეტ მილნეების-ინფორმაციის გავრცელების და კომუნიკაციის აქტიურ პროცესში ჩართვის თანამედროვე, პოპულარული და ხელმისაწვდომი საშუალებების გამოყენება. გამოიკვეთა დისტანციურად ინფორმაციის გაცვლა-გაცნობის და ჯანმრთელობის დაცვაზე პრევენციული ღონისძიებების გაძლიერების აუცილებლობა.

ჯანდაცვის მსოფლიო ორგანიზაციამ თავის სამოქმედო პროგრამაში, თანამედროვე საერთაშორისო ჯანმრთელობის გარდამქმნელ ძირითად რევოლუციურ მოვლენებს შორის, სწორედ საინფორმაციო და საკომუნიკაციო ტექნოლოგიები დაასახელა.

ინფორმაციული ტექნოლოგიები უზრუნველყოფენ სოციალური კომუნიკაციის აუდიტორიის სტრუქტურირება-სეგმენტი-

რებასა და სათანადო მობილიზებას, რაც მნიშვნელოვანწილად განსაზღვრავს კომუნიკაციის წარმატებით განხორციელებას. ჯანდაცვის სექტორის რაციონალური, ხალხთან დაახლოებული, ეკონომიურობასა და ეფექტიანობაზე დაფუძნებული მენეჯმენტი, სოციალურ-კომუნიკაციურ ტექნოლოგიებზე დაყრდნობით პირდაპირ უკავშირდება ქვეყნის მმართველობით სტრატეგიას და სახელმწიფოებრივ ინტერესებს ეროვნულ დონეზე.

საკვანძო სიტყვები: სოციალურ-კომუნიკაციური ტექნოლოგიები, ჯანდაცვის სექტორის ანტიკრიზისული მართვა, კომუნიკაციური ბარიერები, ინფორმაციის ასიმეტრიულობა.

შესავალი

თანამედროვე მსოფლიოს განვითარების რთულ და სწრაფად ცვალებად პირობებში, განსაკუთრებულ მნიშვნელობას იძენს ძირეული ცვლილებების გატარება და ამ ცვლილებების სწორად მართვა ისეთ სასიცოცხლოდ მნიშვნელოვან, რთულ და კომპლექსურ სფეროში, როგორიცაა ჯანდაცვის სექტორია. ვითარებას კიდევ უფრო ამძაფრებს არსებული, ახალი კორონავირუსის პანდემიით გამოწვეული გლობალური კრიზისი. მასთან ადაპტირებამ მოითხოვა საკომუნიკაციო მედიატექნოლოგიების ფართომასშტაბიანი განვითარება და ჯანდაცვის მმართველობით საქმიანობაში სათანადოდ ინტეგრაცია. როგორც არასდროს, აქტუალური გახდა სოციალური მედიისა და ინტერნეტ მილწევების-ინფორმაციის გავრცელების და კომუნიკაციის აქტიურ პროცესში ჩართვის თანამედროვე, პოპულარული და ხელმისაწვდომი საშუალებების გამოყენება ჯანდაცვის სექტორში. გამოიკვეთა დისტანციურად ინფორმაციის გაცვლა-გაცნობის და ჯანმრთელობის დაცვაზე პრევენციული ღონისძიებების გაძლიერების აუცილებლობა.

ჯანდაცვის მსოფლიო ორგანიზაციის „ჯანმრთელობა 2020“ პროგრამის თანახმად, თანამედროვე საერთაშორისო ჯანმრთელობის გარდამქმნელ 4 რევოლუციურ მოვლენას შორის, ერთერთს სწორედ საინფორმაციო და საკომუნიკაციო ტექნო-

ლოგიები (IST) წარმოადგენს. ამავე ორგანიზაციის მიერ დასახულ 7-პუნქტიან „გლობალური ჯანმრთელობის გაუმჯობესების სამოქმედო გეგმაში“, წამყვან ადგილს სწორედ „ცოდნის, მეცნიერებისა და ტექნოლოგიების გამოყენება, ხოლო ტექნოლოგიების ჩამონათვალში ელექტრონული და მობილური ჯანმრთელობა m-Health (ანუ მობილური ტელემედიცინა)“ იკავებს. [1, გვ63]

ინფორმაციული ტექნოლოგიები უზრუნველყოფენ სოციალური კომუნიკაციის აუდიტორიის სტრუქტურირება-სეგმენტირებას, რაც მნიშვნელოვანწილად განსაზღვრავს კომუნიკაციის წარმატებით განხორციელებას. თითოეულ ჯგუფზე ზემოქმედება მოითხოვს შესაბამისი სტრატეგიის, ინფორმირების მეთოდებისა და ურთიერთობის ფორმების შემუშავებას, რაც, თავის მხრივ, მოიაზრებს ქმედებათა ისეთ თანმიმდევრულ ელემენტებს, როგორიცაა მიზანმიმართულობა, სტრუქტურირება, ოპერირება, მოქმედებათა კოორდინაცია და ეტაპობრივობა. ჯანდაცვის სექტორის რაციონალური, ხალხთან დაახლოებული, ეკონომიურობასა და ეფექტიანობაზე დაფუძნებული მენეჯმენტი, სოციალურ-კომუნიკაციურ ტექნოლოგიებზე დაყრდნობით პირდაპირ უკავშირდება ქვეყნის მმართველობით სტრატეგიას, სახელმწიფოებრივ ინტერესებს ეროვნულ დონეზე.

კოვიდ 19 პანდემიით გამოწვეული კრიზისი თავისი მასშტაბით, მნიშვნელოვან გამოწვევად იქცა მსოფლიოსთვის და შეაფერხა ყველა არსებული სახელმწიფოებრივი სისტემის ნორმალური ფუნქციონირება და განვითარება, თუმცა ამავე დროს, აღნიშნული კრიზისი ერთგვარ გამოწვევად იქცა, რამაც დღის წესრიგში დააყენა არსებული სისტემის „გამოფხიზლება“, შესაძლებლობების გაფართოება და ახალი მმართველობითი სტრატეგიების დასახვა.

კვლევის მეთოდოლოგია. ნაშრომში გაანალიზებულია სოციალური კომუნიკაციებისა და საკომუნიკაციო ტექნოლოგიების როლი და მნიშვნელობა ჯანდაცვის სექტორის ანტიკრიზისული მართვის სისტემებში. კვლევის ფარგლებში გამოყენებულია

პრაქტიკული დაკვირვების, გამოკითხვა-ინტერვიუების, ახსნა-განმარტების, ინდუქციის, დედუქციის, სინთეზის მეთოდები. ასევე, დიალექტიკური მეთოდი, რომლის თანახმადაც მოვლენები და პროცესები განიხილება ერთმანეთთან ურთიერთკავშირში. კვლევის აღნიშნული მეთოდოლოგიის გამოყენებამ, საშუალება მოგვცა ჯანდაცვის სექტორის ანტიკრიზისული მენეჯმენტში წამოგვეწია ისეთი მნიშვნელოვანი ამოცანები და პრობლემები, როგორიცაა ინფორმაციის დანაკარგის და ცვლილების შემცირების პრობლემატიკა კომუნიკაციური ბარიერების აღმოფხვრასთან კონტექსტში, ინფორმაციული დეფიციტის საფუძველზე წარმოქმნილი განუსაზღვრელობის მართვა, ინფორმაციის ასიმეტრიულობა და მისი გავლენა სისტემის სტრატეგიის შემუშავების, სტრუქტურიზების, ოპერირებისა და მოქმედებათა კოორდინაციის საქმეში.

ძირითადი ტექსტი

ჯანდაცვის სექტორის რაციონალური, ხალხთან დაახლოებული, ეკონომიურობასა და ეფექტიანობაზე დაფუძნებული მენეჯმენტი, სოციალურ-კომუნიკაციურ ტექნოლოგიებზე დაყრდნობით პირდაპირ უკავშირდება ქვეყნის მმართველობით სტრატეგიას, სახელმწიფოებრივ ინტერესებს ეროვნულ დონეზე.

ანტიკრიზისული ღონისძიებების განხორციელებისას, ეფექტური კომუნიკაცია აუმაჯობებს ინფორმაციის მოპოვების სიჩქარეს და ხარისხს, რაც თავის მხრივ ეხმარება მენეჯმენტურ რგოლს გააუმჯობესოს მმართველობითი გადაწყვეტილებების მიღება მმართველობითი პროცესის თითოეულ ეტაპზე, დაამკვიდროს ხარისხიანი მომსახურება, გაზარდოს აქტივების ეფექტიანობა, გააკონტროლოს ინსტიტუციონალური რესურსების გამოყენება, რაც საბოლოო ჯამში უზრუნველყოფს ჯანდაცვის ეფექტიანი მომსახურების პერმანენტულ სრულყოფას და ხელშეწყობას.

სოციალურ-კომუნიკაციური ტექნოლოგიები წარმოადგენს ძირითად ბერკეტს ელექტრონულ და ვერბალურ კომუნიკაცი-

ებში, რის ფონზეც ჯანდაცვის სექტორის მენეჯერები უზრუნველყოფენ დროულ ელექტრონულ კომუნიკაციას ჯანდაცვის სექტორში ჩაბმულ ყველა ინსტიტუციასთან, ინფორმაციის დიდი მოცულობით ფლობას და მართვას. სოციალური კომუნიკაცია შესაძლებელია განხორციელდეს სოციალური დიალოგის საშუალებით, რაც მოიცავს მოლაპარაკებების, კონსულტაციების და ინფორმაციის გაცვლის ყველა ბერკეტის ამოქმედებას მთავრობას, დამსაქმებლებსა და დასაქმებულებს შორის, მათთვის საერთო ინტერესის მქონე ეკონომიკური თუ სოციალური პოლიტიკის საკითხებზე.

ჯონ ჰოპკინსის უნივერსიტეტის (აშშ) პროფესორები მაიკლ პოლი და მარკ დრედზე განმარტავენ, თუ როგორ მუშაობს სოციალური მონიტორინგი საზოგადოებრივი ჯანმრთელობის შესახებ: „სოციალური მედია უპირატესობას ანიჭებს მონაცემთა ტრადიციულ წყაროებს, მათ შორის რეალურ დროში მონაცემების ხელმისაწვდომობას, დაშვების მარტივობას და შემცირებულ ღირებულებას. სოციალური მედია საშუალებას გვაძლევს დავესვათ კითხვები და ვუპასუხოთ კითხვებს“.[2, გვ10]

სოციალური ქსელების საშუალებით კომუნიკაციის მთავარი სარგებელი სწორედ ორმხრივი კომუნიკაციაა. სოციალური ქსელებით კომუნიკაციის აქტუალობა განსაკუთრებულად გაიზარდა და ყოვლისმომცველი ბოლო ორი წლის განმავლობაში გახდა, როცა კოვიდ 19 პანდემიამ გლობალური სახე მიიღო. სწორედ სოციალური ქსელების საშუალებით, გაიზარდა ჯანდაცვის პროვaidერების როლი, ჩამოყალიბდა **ონლაინ-კლინიკის ექიმთა ინსტიტუტი** არსებულ მძიმე ეპიდემიოლოგიურ ვითარებასთან ადაპტირებისა და გასამკლავებლად.

მიზნობრივ სოციალურ სეგმენტზე მორგებული ეფექტიანი კომუნიკაციის საბოლოო შედეგი ინფორმაციის ადრესატის ქცევაში „გათვლილი“ ცვლილებებია, რომლებიც მოხდება შეტყობინების მიღების შედეგად. მწირმა ან არასწორმა კომუნიკაციამ შეიძლება გამოიწვიოს სერიოზული პრობლემები და სავალალო შედეგებამდეც კი მიიყვანოს მენეჯერი ან მის მიერ მართული სისტემა.

მენეჯერებისათვის მნიშვნელოვან ამოცანად რჩება ინფორმაციის დანაკარგის ან ცვლილების შემცირება კომუნიკაციური ბარიერების აღმოფხვრის გზით. ჯანდაცვის სისტემის მენეჯმენტისათვის აგრეთვე რთულ გამოწვევად რჩება განუსაზღვრელობის მართვა, რადგან არსებული პანდემიური ფონი კიდევ უფრო ამძაფრებს მოთხოვნასა და ხარისხიანი სამედიცინო მომსახურების რაციონალურ, საჭიროების კვალდაკვალ მიწოდებას შორის არსებულ შეუსაბამობას.

თუმცა მხოლოდ ინფორმაციის მიწოდება მოსახლეობისათვის და სამედიცინო პერსონალისთვის არ იძლევა მომხმარებლის სათანადო, საპასუხო ქცევის გარანტიას. სამედიცინო ბაზრის ერთერთი მნიშვნელოვანი პრობლემური ინდიკატორი - **ინფორმაციის ასიმეტრიის პრინციპია**. პაციენტი ზოგჯერ ფლობს მწირ, გადაუმოწმებელ ან არასწორ ინფორმაციას, ან, ამავე დროს, შესაძლოა ექიმს არ გაუმჟღავნოს სრული ინფორმაცია მიმდინარე ან გადატანილი დაავადებების, ჩატარებული თვითმკურნალობის შესახებ.

ჯანდაცვის სექტორის ანტიკრიზისულ მართვაში არასწორად მართული ინფორმაცია აფერხებს მენეჯმენტის საჭირო მოქმედებათა კოორდინაციას, რამაც შეიძლება გამოიწვიოს არამხოლოდ ჯანდაცვის ეკონომიკური კრიზისი, არამედ ყველაზე მნიშვნელოვანი-სიცოცხლის დანაკარგები. არსებულ პრობლემას აღრმავებს ის ფაქტორი, რომ არსებული, კერძო სადაზღვეო კომპანიებისა და საყოველთაო ჯანდაცვის სისტემის მოქმედების პირობებში, სამედიცინო ბაზარი გაჯერებულია ექიმების, პაციენტების და კლინიკების მენეჯერების ოპორტუნისტული, „სისტემასთან მორგებული“ ქცევებითა და სურვილებით: ბიუჯეტის ხარჯზე მიიღონ დამატებითი მოგება.

მკაფიო, გამჭვირვალე, ეფექტური კომუნიკაციის არსებობა, სათანადო დროს ადექვატური დახმარების გაწევა, ჯანდაცვის პერსონალისა და პაციენტთა უფლებების დაცვა, კანონის უზენაესობის უზრუნველყოფა, სანინდარია ცვლილებების მენეჯმენტის წარმატებით განახორციელებისა.

სოციალური მედია და ინტერნეტ რესურსები ინფორმაცი-

ის გავრცელებისა და საზოგადოებასთან კომუნიკაციის თანამედროვე, მოხერხებული, ხელმისაწვდომი და პოპულარული საშუალებაა. სოციალური ქსელები ჯანმრთელობის შესახებ ინფორმაციის მოძიების ყველაზე ხელმისაწვდომი, ხელჩასაჭიდი, ხშირად კი ერთადერთი წყარო ხდება. არსებული გლობალური კრიზისებისა და გამოწვევების ფონზე, თითქმის უწყვეტი ფსიქოლოგიური სტრესის პირობებში, საზოგადოებას *უმძაფრდება მოთხოვნილება ჭეშმარიტ, არადრამატიზებულ და დანვრილებით ინფორმაციაზე მათთვის საინტერესო ან მიმდინარე მოვლენების შესახებ*. ჯანდაცვის მენეჯერებისაგან და პროფესიონალი კლინიკისტებისაგან მოელიან სიმართლეს, ეძებენ ნდობას და იმედს.

ანტიკრიზისულ მართვაში განსაკუთრებით მნიშვნელოვანია „ნდობის კრედიტი“ სწორედ უწყვეტი და გამჭვირვალე კომუნიკაციის წარმართვით მოიპოვება. სამედიცინო სფეროს პროფესიონალ მენეჯერებს სოციალური მედიის საშუალებით შეუძლიათ როგორც საზოგადოების ინფორმირება, ასევე მანიპულაციის მცდელობისა და არასწორი ინფორმაციის გავრცელების აღკვეთაც, რაც გულისხმობს მტკიცებულებებზე დაფუძნებული, დამაჯერებლად, საზოგადოებისათვის მისაღები ენით გადმოცემული, ერთმანეთთან შეჯერებული ინფორმაციის დროულად მიწოდებას, ეთიკისა და რეგულაციების ნორმების სრული დაცვით.

ჯანდაცვის სისტემის მენეჯერებისათვის ანტიკრიზისული მენეჯმენტის განხორციელებისას, ურთულეს გამოწვევად ინფორმაციის ასიმეტრიულობასთან ერთად „ინფორმაციის უსაფრთხოების“ დაცვაც რჩება, რომელიც მოიცავს საექიმო საიდუმლოს, საქმიან, ფინანსურ და სხვა კონფიდენციალურ ინფორმაციას, როგორც სამედიცინო პერსონალის, ისე პაციენტებისას.

საქართველოს ჯანდაცვის სისტემის იმიჯზე მოქმედი ინფორმაციის ხელმისაწვდომობისა და სანდოობის აქტუალობიდან გამომდინარე, ჩვენს მიერ სოციალურ ქსელის Facebook-ის გამოყენებით ჩატარებულ იქნა საპილოტე კვლევა, რომლის

მიზანს წარმოადგენდა მოსახლეობის აზრის გაგება, შექმნილი პანდემიური რეალობის პირობებში, მომხმარებლები სად და როგორ მოიპოვებენ ჯანდაცვის სისტემის იმიჯსა და სანდოობაზე ინფორმაციას.

კვლევის ფორმატში, ძირითადი კითხვა ფორმულირებული იყო შემდეგნაირად:

ჯანდაცვის სისტემის (კლინიკის, ექიმის, სამედიცინო მომსახურების) იმიჯსა და სანდოობაზე ინფორმაციას ყველაზე ხშირად ხვდებით:

1. სოციალურ ქსელებში;
2. ტელევიზიით და სხვა მასობრივი საინფორმაციო საშუალებებით;
3. კლინიკებში, რიგში დგომისას;
4. მეგობრებთან პირად საუბრებში;
5. სამედიცინო პერსონალთან საუბრისას.

საკვლევ დროში (7 დღის განმავლობაში) კვლევით დაინტერესება გამოხატა 138 მომხმარებელმა, ხოლო კითხვას 96-მა უპასუხა. კვლევის მიზანს ასევე წარმოადგენდა ჯანდაცვის სისტემაში მომხმარებელთან განხორციელებულ კომუნიკაციაში, იმ ხარვეზების გამოვლენა, რომელიც მეტად საჭიროებს ყურადღებას, დახვეწასა და განვითარებას.

აღნიშნულმა მცირე კვლევამაც კი შესაძლებლობა მოგვცა გაგვეანალიზებინა, თუ რამდენად აუცილებელია სამედიცინო სექტორისათვის ფართო კომუნიკაციის წარმოება საზოგადოებასთან, აგრეთვე დაგვენახა, როგორ ურთიერთქმედებს სისტემა გარემო ფაქტორებთან.

კვლევის შედეგად გამოიკვეთა, რომ გამოკითხულთა უმრავლესობა

(25%) ჯანდაცვის სისტემის იმიჯზე მოქმედ ინფორმაციას მოიპოვებს სოციალური მედიიდან, რაც განპირობებულია ინტერნეტის ხელმისაწვდომობით, სოციალური ქსელების პოპულარობითა და მოპოვებულ ინფორმაციაზე უკუკავშირით-შთაბეჭდილებების, კომენტარების გაცნობა-რეაგირების და სერვისებზე მოლოდინების წახალისებით.

რესპოდენტთა 22 პროცენტმა, მისთვის საძიებელ ინფორმაციის წყაროდ დააფიქსირა ერთდროულად ორი პასუხი: სოციალური ქსელი და სამედიცინო პერსონალი, რაც ჩვენი აზრით, იმ გონივრული არგუმენტიანაა განპირობებული, რომ მათ სოციალურ ქსელში მოპოვებული ინფორმაცია გადაამოწმეს სამედიცინო პერსონალთან.

მომხმარებელთა 16,4%-მა დააფიქსირა, რომ მათთვის სანდო ინფორმაციას მოიპოვებს იმ მეგობრებთან პირადი საუბრების შედეგად, რომელთაც შეხება ჰქონდათ სისტემასთან. აღნიშნული მაჩვენებელი გვაფიქრებინებს იმას, რომ სისტემა მუდმივად უნდა ზრუნავდეს მომხმარებელზე -პაციენტზე, ცდილობდეს გაზარდოს როგორც მომსახურების ხარისხი, ასევე, შეუქმნას პოზიტიური შთაბეჭდილება და კმაყოფილება მიღებულ სერვისებზე. კარგი იქნება პაციენტის ინფორმირებულობისა და ჩართულობის გაზრდა მკურნალობის პროცესშივე, გამოჯანმრთელების შემდეგ კავშირის შენარჩუნება პირველადი ჯანდაცვის რგოლის მეშვეობით, გამოჯანმრთელებულ პაციენტთა თუნდაც ინტერნეტ-ჯგუფების შექმნა, სადაც სათანადო მომზადების შემდეგ კვალიფიციურ პერსონალთან ერთად რეკომენდაციებს გაუწევენ ქრონიკულად მოავადე პაციენტებს.

გამოკითხულთა 12,5 პროცენტმა აღნიშნა, რომ ინფორმაციას ღებულობს სამედიცინო პერსონალთან საუბრისას, რაც კიდევ ერთხელ მიანიშნებს იმაზე, რომ ჯანდაცვის სისტემის მენეჯერებისათვის მნიშვნელოვანია სამედიცინო პერსონალთან უწყვეტი კომუნიკაცია: მათ განათლებასა და მოტივაციაზე უწყვეტი ზრუნვა.

მომხმარებელთა 12,5 პროცენტი ჯანდაცვის სისტემის იმიჯს აფასებს ექიმთან / რეგისტრატურასთან რიგში დგომისას მიღებული ინფორმაციისა და შექმნილი განწყობის საფუძველზე, რაც სავარაუდოდ, სისტემის მომხმარებელთან ნარუმატებული კომუნიკაციის დამადასტურებელია. დღევანდელ, პანდემიით გართულებულ რეალობაში, როცა პაციენტს აქვს გათვლილი თავისი დრო, იაზრებს რა სოციალური დისტანციის აუცილებლობას და სხვა მრავალ ფაქტორს, რიგში ხანგრძლივად დგომა

და იქ ინფორმაციის მოპოვება, ჩვენი აზრით, ყველაზე კრიტიკული და მისახედი პრობლემაა ჯანდაცვის მენეჯერებისათვის.

გამოკითხული მომხმარებლების დარჩენილმა ნაწილმა აღნიშნა, რომ ინფორმაციას ლებულობს ტელევიზიითა და მედიასაშუალებებით. ეს მაჩვენებელი ცხადყოფს, რომ ნებისმიერი გადანყვეტილება, რომელსაც აშუქებენ ტელევიზიით და სხვა მედიასაშუალებებით, კარგად გააზრებული და სათანადოდ დასაბუთებული უნდა იყოს. გადანყვეტილების აღსრულება კი დამოკიდებულია საზოგადოების ინფორმირებაზე და მხარდაჭერაზე.

დასკვნა

ყოველივე ზემოთ თქმულიდან შეგვიძლია დავასკვნათ, რომ ჯანდაცვის სექტორში ანტიკრიზისული ღონისძიებების განხორციელებისას, სწორედ ეფექტური კომუნიკაცია (სისტემის ყველა მონაწილეს შორის) აუმჯობესებს ინფორმაციის მოპოვების სიჩქარეს და ხარისხს, რაც, თავის მხრივ, ეხმარება მენეჯმენტურ რგოლს გააუმჯობესოს მმართველობითი გადანყვეტილების მიღება მმართველობითი ციკლის თითოეულ ეტაპზე, დაამკვიდროს ხარისხიანი მომსახურება, გაზარდოს აქტივების ეფექტიანობა, გააკონტროლოს ინსტიტუციონალური რესურსების გამოყენება, რაც საბოლოო ჯამში უზრუნველყოფს ჯანდაცვის ეფექტიანი მომსახურების ხელშეწყობას.

ინფორმაციის ყველაზე მძლავრი და მნიშვნელოვანი კაპიტალის მიზანმიმართული მოპოვება, სათანადო ფილტრაციამართვა, სოციუმთან გამჭვირვალე, პოზიტიური და ნდობაზე დაფუძნებული კავშირის შენარჩუნება, ინფორმაციის, კომუნიკაციის და კოორდინაციის სფეროში მაქსიმალური ბალანსის დაცვა-ეს არის ძირითადი ვექტორი ჯანდაცვის სექტორის ანტიკრიზისული მართვის რთულ და მრავანახნაგოვან სისტემებში.

გამოყენებული ლიტერატურა:

1.ჩლაიძე დ. ინფორმაციული სისტემები და საქართველოს ჯანდაცვა. აკადემიკოს ა. გუნიას სახელობის საზოგადოებრივი აკადემია, საქართველოს პარლამენტის ციფრული წიგნადი ფონდისთვის, თბილისი, 2019წ <https://dspace.nplg.gov.ge/bitstream/1234/291493/1/InformaciuliSistemebiDaSaqartvelosJandacva.pdf> 1-109 გვ, 06.02.2022 წ

2.ეროვნული სამმხრივი სოციალური დიალოგი საქართველოში https://www.ilo.org/wcmsp5/groups/public/---ed_dialogue/---dialogue/documents/publication/wcms_548546.pdf, 1-326 გვ, 06.02.2022

3.ბელთაძე პ. სოციალური დიალოგი საქართველოში/შრომა და სოციალური სამართლიანობა, ფრიდრიხ ებერტის ფონდი – სოციალური დიალოგი საქართველოში, 2020, მაისი <http://library.fes.de/pdf-files/bueros/georgien/16267.pdf> 1-34 გვ. 06.02.2022 წ

4.დავითაია ბ. მენეჯმენტის კომუნიკაციური პროცესების მეთოდოლოგიური ასპექტები. ჟურნალი ეკონომიკა №4. 2016. გვ.156-159.

5.საქართველოს ჯანმრთელობის დაცვის ერთიანი საინფორმაციო სისტემა. აშშ საერთაშორისო განვითარების სააგენტოს „ჯანდაცვის სისტემის განმტკიცების პროგრამა“ (USAID HSSP), იანვარი 2013http://www.georgia-ccm.ge/wp-content/uploads/HMIS_Module_Descriptions_GEO-1.pdf 1-16 გვ, 06.02.2022

6.როგორ იყენებენ სოციალურ მედიას ჯანდაცვის სფეროში <https://digitalnews.ge/ge/article/socialuri-media/293-socialuri-media-jandacvis-prophesionalebistvis> 06.02.2022

7.რაქვიაშვილი ალ., შამუგია ე., „საქართველოს საყოველთაო ჯანდაცვის სისტემისა და მიმდინარე რეფორმების ანალიზი, კვლევითი ინსტიტუტი „გნომონ ვაიზი“ (Gnomon Wise) 2020 თებერვალი <http://gnomonwise.ug.edu.ge/public/storage/publications/July2020/xfsVdYCOdmHclAVBcCTn.pdf> 1-36 გვ, 06.02.2022

8.მონაცემთა დაცვის ევროპული სამართლის სახელმძღვანელო, 2018 წელი,ლუქსემბურგი: ევროკავშირის საგამომცემ-

ლო სახლი, 2018, 1 -448გვ

9.ჯანმრთელობის მსოფლიო ორგანიზაცია და საქართველო: თანამშრომლობის მეოთხედი საუკუნე <https://ncdc.ge/api/api/File/GetFile/f4c81ef2-9522-4823-829a-02dace7e10a0http06.02.2022>

10.ბარბომენკო თ. რა ბარიერი შეიძლება შეგვექმნას კომუნიკაციისას? თბ.2018.

11.Michael J Paul, Mark Dredze. Social Monitoring for Public Health. Synthesis Lectures on Information Concepts, Retrieval, and Services, 2017;9(5):1-183. [PDF]

REFERENCES:

1.Chlaidze D. Information Systems and Healthcare in Georgia. Academician A. Gunia Public Academy, for the Digital Book Fund of the Parliament of Georgia, Tbilisi, 2019.<https://dspace.nplg.gov.ge/bitstream/1234/291493/1/InformaciuliSistemebiDaSaqartvelosJandacva.pdf> 1-109 p, 06.02.20

2.National Tripartite Social Dialogue in Georgia https://www.ilo.org/wcmsp5/groups/public/---ed_dialogue/---dialogue/documents/publication/wcms_548546.pdf, 1-326 pp. 06.02.2022

3.Beltadze P.Social Dialogue in Georgia / Labor and Social Justice, Friedrich Ebert Foundation - Social Dialogue in Georgia, 2020, May <http://library.fes.de/pdf-files/bueros/georgien/16267.pdf> 1-34p . 06.02.2022

4.Davitaia B. Methodological aspects of management communication processes. Journal of Economics №4. 2016. pp.156-159.

5.Unified Health Information System of Georgia. USAID Health System Strengthening Program (USAID HSSP), January 2013http://www.georgia-ccm.ge/wp-content/uploads/HMIS_Module_Descriptions_GEO-1.pdf 1-16p, 06.02.2022

6.How to use social media in the field of healthcare <https://digitalnews.ge/ge/article/socialuri-media/293-socialuri-media-jandacvis-propheSIONalebistvis> 06.02.2022

7.Rakviashvili Al., Shamugia E., Analysis of Georgia's Universal

Health Care System and Ongoing Reforms, Gnomon Wise Research Institute 2020 February <http://gnomonwise.ug.edu.ge/public/storage/publications/July2020/xfsVdYCOdmHclAVBcCTn.pdf> 1-36p, 06.02.2022

8. Handbook of European Data Protection Law, 2018, Luxembourg: EU Publishing House, 2018, 1 -448 p.

9. World Health Organization and Georgia: A Quarter-Century of Cooperation <https://ncdc.ge/api/api/File/GetFile/f4c81ef2-9522-4823-829a-02dace7e10a0> http 06.02.2022

10. Barkhomenko T. What barrier can we create in communication? Tb. 2018.

11. Michael J Paul, Mark Dredze. Social Monitoring for Public Health. Synthesis Lectures on Information Concepts, Retrieval, and Services, 2017; 9 (5): 1-183. [PDF]

The Importance of Social Communication in Anti-crisis Health Management Systems

Miranda Jankhoteli,

GTU, PhD student,
mjankhoteli@mail.ru;

Mariam Tsiklauri,

GTU, PhD student,
mariam23tsiklauri@gmail.com

Resume

The rapidly changing environmental factors of the modern world and the global socio - economic and political crises, have required the large-scale development of communication media technologies and their proper integration into healthcare governance. As never before, the use of modern, popular and affordable means of social media and internet advances in the healthcare sector - active involvement in the process of dissemination of information and com-

munication has become topical. The need to exchange information remotely and strengthen preventive measures for health protection has been outlined.

The World Health Organization has named information and communication technologies as one of the key revolutionary developments in modern international health in its action plan.

Information technologies provide structuring-segmentation and proper mobilization of the social communication audience, which significantly determines the successful implementation of communication. Rational, people- friendly, economics and efficiency - based management of the health sector, based on social - communication technologies is directly linked to the country governance strategy and state interests at the national level.

Keywords: Social-communication technologies, anti-crisis management of the healthcare sector, communication barriers, information asymmetry.